

# M. ANTONII MVRETI

ORATIONES TRES.

PRIMA AD PIVM IIII. PONT. MAX.

HABITA NOMINE FRANCISCI II,

Galliae, & Scotiae Regis.

SECVND A AD EVNDEM PONTIFICEM

*nomine Antonij Borbony Regis Nauarrae.*

Tertia, cum eiusdem Pontificis iussu Aristotelis libros  
de moribus publice interpretaturus esset.



R O M A E

Apud Antonium Bladum Impressorem Cameralem.

M. D. LXIII.

23



GO vero ad eos uersus quos tu ad me amantissime, & elegantissime scriptos miseras, statim respondi: neque satis mirari possum: qui factum sit, ut mei ad te perlati non sint. sed eos quisquis interceptit, nae ille in re haud magni pretij utrique nostrum insignem iniuriam fecit: mihi, quod, nulla culpa mea, agrestis tibi quidam atque inhumanus uideri potui, qui ab homine amicissimo tam officiose promocatus nihil respondissem: tibi, quod caruissimi ea uoluptate, quam percepisses ex collatione tuorum cum meis. Etenim, mihi crede, tum tu denique tibi placuisses, si legisses mea. Ut propemodum gratiam habiturus fuerim illi, qui ea interuertit, nisi multo me mallet malum poetam, quam in conseruanda hominum tui similium amicitia parum diligentem uideri. Nunc à te peto quae scis; ut, si mihi sorte antehac non nihil ob eam rem fuscensuisti, non minus te facilem ad deponendam, quam ad accipiendam offensionem praebear, tibiq; persuadeas, tanti à me tuam, et Lucij fratris tui, hominis singulari quadam humanitate praediti, amicitiam fieri, quanti & uestra utriusque dignitas, & tua erga me merita postulant. Id etsi sperabam me à te non difficulter impetraturum, tamen quia ex Homero didiceram, offensos animos tum uerbis, tum muneribus mitigari, iudicavi, non alienum fore, si ad te munusculum aliquid mittere. Mitto igitur tris orationes meas, duas duorum regum nomine ad PIVM III. Pont. Max. superioribus annis habitas: tertiam haud ita pridem, cum eiusdem optimi, ac Sanctissimi Pontificis iussu Aristotelis libros de moribus ad Nicomachum inciperem publice interpretari. Eas tu postquam legeris, cum Vincentio Madio, et cum Io. Baptista Pigna, non ut dignas, quae ab ipsis legantur, sed ut à me, qui eorum utrumque obseruo & ab utroque amor, perfectas communicabis. Vale. X. Kal. Aprilis. Anno. M. D. LXIII. ex Vrbe.

# ORATIO PRIMA:



MNES quidem Christianos principes,  
 PIE Pontifex maxime, credibile est,  
 accepto delati tuis maximis virtutibus  
 honoris amplissimi nuntio, ad  
 mirabili quadam laetitia perfusos esse: nec eorum  
 fuisse quemquam, quin, sublati in caelum manibus,  
 omnium rerum moderatori Deo singularibus  
 verbis gratias egerit, quod sacrosancto Cardinalium  
 Collegio eam mentem dedisset, ut te potissimum  
 deligerent, quem in ista dignitatis sede celsissima  
 concordibus suffragiis collocarent. Sed quanto nostri  
 Reges obseruantia erga Romanam Ecclesiam,  
 & insigni atque assiduo defendendae ornandaeque  
 illius studio ceteros ex omni antiquitate superarunt:  
 tanto Francisci II. Regis, te Pontifice declarato,  
 maius quam pro virili parte gaudium fuit. Quare  
 etsi, non dubitabat, quin tu de Clarissimo viro Episcopo  
 Engolismensi, oratore apud te suo, cuius fidei  
 & integritatem tibi plane perspectam esse nouit,  
 animum suum erga te, & erga hanc orbis terrarum  
 principem ecclesiam, & optime, & libentissime  
 cogniturus esses: tamen ut illustriorem etiam, & expressiorem  
 significationem voluntatis suae omnibus hominibus daret,  
 iudicauit, sibi faciendum esse, ut ad te de suis eo proprie nomine  
 eiusmodi quem piam mitteret, in quo & dignitas inesset ea,  
 quae ad tantum munus obeundum requiritur, & aliae praeterea  
 causae, propter quas cum tibi vnum ex omnibus  
 gratissimum atque acceptissimum fore confide

ret. Misit igitur clarissimum, & nobilissimum equi-  
tem, Ioannem Babonem à Burdaesia, eius quem mo-  
do nominavi Episcopi fratrem, arcanorum regni,  
& regionum omnium consiliorum participem, cuius  
in maximis rebus gerendis virtutem, & fidem  
exploratam habet, quiq; praeterea pietate, & obser-  
uantia erga hanc sedem neque fratri, neq; cuiquam  
mortalium cedit. Quorum ego amborum permis-  
su, regiae voluntatis hodierno die apud te constitu-  
tus interpret, gratulor non tam equidem tibi Bea-  
tissime pater, quam vniuersae Christianae reipub.  
quae pristinum illum splendorem suum, qui ma-  
gno bonorum omnium maerore, apud plerasque  
gentes, prauis opinionibus corruptas, magis ac ma-  
gis in singulos dies. obsolefcebat, breui se, tuo du-  
ctu atq; auspiciis recuperaturam, non dubitanter  
sibi de tua praestanti bonitate ac sapientia pollice-  
tur. Summa plane omnia, ac prope diuina in eo re-  
quiruntur, qui clauū in ecclesiae nauī teneat; cuius  
à nutu pendeant leges; cuius ad pedes Reges ipsi  
suppliciter se abiciant; cuius arbitrio pandatur  
caelum; qui denique supra omne humanae digni-  
tatis fastigium euectus, Dei personam inter homi-  
nes sustineat. Nam, si diuinae litterae à quolibet  
Episcopo tantam integritatem ac virtutis perfectio-  
nem exigi volunt, nullus ut in omni eius vita repre-  
hensionem pateat locus: neque gravitatem eius mu-  
neris digne à quoquam sustineri posse tradunt, nisi  
quem pietas, prudentia, iustitia, vno verbo, virtus  
suis omnibus numeris absoluta commendet: quid  
in co

in eo, qui omni tempore cum summo imperio tractare gubernacula ecclesiae debeat, cuius vita ceteris omnibus pro exemplo, voluntas pro lege, vox pro oraculo futura sit, quanto haec omnia requirere maiora, & diuinitati propiora censemus? Itaque, ut alia, sic hoc quoque sancte ac sapienter institutum est à maioribus, ut quoties de summo Pontifice in demortui locum eligendo ageretur: interea dum ea de re amplissimus Cardinalium ordo deliberaret, nullus intermitteretur dies, quo non omnes, & priuatim & publice precarentur à Deo, ut cum ipse gregi suo praeficeret, quem dignissimum, quem ad publicam concordiam, & tranquillitatem aut constituendam aut conseruandam aptissimum, quem denique, quantum humana conditio fert, sui simillimum iudicaret. Quod si eiusmodi Pontificem vlla vnquam tempora desiderarunt, nostrorum certe is status est, ut nunquam magis ex istius sedis auctoritate vniuersi orbis salus pependisse videatur. Non enim Petri nauis, ut solebat, placido mari, secundis conspirantium ventorum flatibus impulsafertur. horribiles eam procellae, & turbinum vis vel exercitatissimis metuenda rectoribus agitat: ut, quamquam à naufragio quidem nullum periculum est, non mediocris tamen animos teneat metus, ne tam sacua tempestas multos mortales, nouarum opinionum fluctibus inuolutos, in ea breuiâ praecipites abripiat, vnde postea nec enatare ipsi, nec euadere atque emergere alieno auxilio possunt. Quo nos omnes diuinac bonitati maiores agere

re gratias conuenit, quae depositis prope iam rebus, certe quidem in summum discrimen adductis, & extrema spe pendentibus, cum gubernatorem dedit, quo meliorem, & ad haec omnia in melius conuertenda accommodatiorem, non dicam reperire, sed ne optare quidem, aut etiam cogitando infor-  
mare poteramus. Iam nunc igitur praecipimus mentibus eius dici laetitiam, quo gentes illae, quae tum fallacibus improborum hominum sermonibus in laqueos erroris inductae, tum fortassis etiam quorundam nostris licentiori, & dissolutioni uiuendi genere offensae, absciderunt seipsas a corpore ecclesiae, & aduersus eam impium ac nefarium bellum susceperunt, mutato consilio, ad sanitatem redeant, & erroris sui veniam petentes, deposita omni contumacia, sanctissimis pedibus tuis osculum figant. O praecclarum illum triumphum, & cum omnibus, tum iis praecipue, de quibus agitur, oprobrium. Non enim tu illos opprimere, sed oppressos erigere: non in seruitutem abducere, sed a terra: ma seruitute in veram libertatem asserere: non perdere, sed seruare vis: non eorum sanguinem fundere, sed, ne sanguis IESU CHRISTI frustra pro eis fusus sit, efficere: non retortis post tergum manibus, collo catenis grauato, ante currum ducere, sed iis ipsis vinculis, quibus impediti tenentur, exsoluere meditaris. Quibus igitur ipsis, nisi in eo ut vincantur, nulla spes salutis est: credimus usque eo praefractus ac peruicaces fore, ut ad extremum perire per obstinationem animi malint, quam cedendo, & obsequendo



quando seruari? Immo vero certa spes est, cessuram  
tandem aliquando rationi temeritatem, luci tene-  
bras, mendacium veritati. Quamquam ille dies non  
terris modo, sed caelo ipsi hilaritatem allaturus  
est: Nam si cum vnus aliquis qui à recto viuendi tra-  
mite deflexerit, in viam redit, innumerabiles illas  
legiones caelestium Dei satellitum exultare ac ge-  
stire gaudio credimus: quid tandem facturas esse  
auguramur, cum tot hominum miserabiliter nunc  
in suam perniciem ruentium millia resipuerint, &  
unde satanae instigatione discesserant, eò se Sancti  
Spiritus afflatu instincta receperint? Age igitur op-  
time maxime Pontifex: praeripe posteris tuis hanc  
gloriam: &, quod aliquando fieri necesse est, id, ut  
te potissimum Pontifice fiat, enitere. Addatur de-  
cus hoc annalibus nostris, ut in eis olim legatur, pe-  
ssilentissimas opiniones, quae quasi contagione  
quadam paulatim serpentes, per omnes propemo-  
dum Christiani nominis prouincias pertualerant,  
auctoritate tua disiectas, dissipatas, extinctas, exter-  
minatas fuisse. Damnentur uotorum suorum per  
te omnes verae pietatis studiosi, qui multos iam  
annos nihil ardentius à Deo, quam concordiam, &  
harum dissensionum finem exflagitant. Signetur  
hoc praecipue titulo Pontificatus tuus: vt si quis  
quondam non expresso nomine Pium Quartum in-  
telligi velit, cum pontificem dicat, qui affectis, &  
aegrotis ecclesiae membris tam salubrem medicinam  
adhibuerit; vt etiam ea quae desperata vide-  
bantur, integra, & incolumia conseruari. O nos  
beatos

beatos, cum illa, ut speramus, euenerint. O te pontificem modis omnibus maximum ac beatissimum. Quae futura est tam barbara, aut tam longinqua natio, quò non tam diuini beneficij à te in totum hominum genus collati fama perueniat? Quae tam ingratae litterae, quae de tuis laudibus conticescant? Quae tam surda posteritas, quae clamores nostros admiratione virtutis ac felicitatis tuae excitatos non exaudiat? Magnam vero tam praeclearae rei & suscipiendae occasionem, & ex animi sententia conficiendae spem tibi offerre tempus ipsum videtur. Nam superioribus annis, cum duo Christianorum maximi potentissimiq; reges graui, & diuturno bello inter se contenderent: ceterorum autem principum non fere quisquam esset, qui non ad alterutram partem aut suapte voluntate inclinaret, aut aliqua officij ratione adduceretur, aut etiam necessitate traheretur; cum vndique armorum fulgor, strepitus, terror, omnium oculos, aures, animos, praestringeret, obtunderet; consterneret: cum quibusdam locis, pauciores iam reperirentur, qui fructus ex agris perciperent, quàm qui agros ipsos aut sua, aut aliena caede quotidie cruentando pinguiore efficerent: eueniebat, ut in illa rerum omnium perturbatione & improbi ac conselelerati homines opinionum suarum venena per omnes populos fidentius atque impuniùs spargerent, & principes aliis cogitationibus occupati, ad coercendam illorum audaciam animum conuertere non satis commode possent. Habet in se bellum cum alia  
mala



mala plurima, tum illud in primis, quod & male animatis hominibus affert peccandi facultatem, & plaerunque principibus conniuedi necessitatem. At nunc, cum, diuino numine, atroces illi bellorum impetus resederint: cum illa tam diu exoptata pax, caelo demissa, eorum animos, qui odiis, ut videbantur, implacabilibus diffidebant, aeterno, ut speramus, foedere coniunxerit: quis non intelligit fore, ut principes, aliis curis soluti, ad purgandas prouincias suas, & ad omnes impiorum dogmatum fibras elidendas, omnes radices euellendas atque excidendas toto pectore incumbant? Quod quidem Franciscus, rex Christianissimus, & iam nunc diligentissime facit, & diligentius atque animosius in dies facturum se esse profitetur. Meminit enim, eis se maioribus editum, qui, ut sectas religioni nostrae inimicas extirparent, ut Christiani nominis fines quam longissime propagarent, ut apostolicae sedis auctoritatem sanctam atque inuiolatam praestarent, nullam sibi vnquam difficultatem pertimescendam, nullum periculum detrectandum, nullam dimicationem refugiendam putarunt. An ille cum vetera illa Christianae pietatis columina, Childerbertos, Martellos, Pipinos, Carlomannos, aliosque innumerabiles heroas, haeresum extinctores, verae fidei assertores, pontificiae dignitatis vindices ac propugnatores memoria repetat: eorumque se sanguinem ac progeniem esse cogitet, quorum pro Christi doctrina expeditionibus, bellis, victoriis totus terrarum orbis nobilitatus est: & ut vetera taceant

tur, cum se Francisco primo progenitum, Errico secundo natum recorderetur, duobus post hominum memoriam praestantissimis regibus, quorum utriusque tanta tamque insignia extiterunt in ecclesiam pro merita, maximo animo maiorum suorum vestigia non persequatur? Ille vero faciet: nec adaequare modo eorum gloriam, verum etiam, si fieri possit, superare conabitur: quique se principem inter ecclesiae filios locum obtinere intelligat, ut illo se honore dignissimum praestet, omni studio elaborabit. Tu modo pater Beatissime, pro tua singulari, & eximia sapientia, quid ad compescendos tumultus, & ad statum ecclesiae componendum utilissimum sit, statuito. Notum est, maximas saepe, & perniciosissimas in ecclesia dissensiones rite conuocato ex omnibus Christianae ditionis partibus episcoporum concilio sedatas fuisse. Eodem remedio si tibi nunc quoque aegrotis exulceratisque rebus subueniendum esse videatur: nihil est, quod regi gratius aut optatius, possit accidere: neque tibi dubium esse debet, quin ipse omnes vires suas eo collaturus sit, ut quaecumque ab eiusmodi concilio decreta fuerint, pie inuiolateque seruentur. Omnino autem Beatissime pater quaecumque obedientia ab optimo, & obsequentissimo filio praestari potest, eam tibi rex summa fide summaque constantia praestiturus est, idque se semper facturum esse, per hos clarissimos, & ornatissimos viros, oratores suos, sanctissime pollicetur. Tu vicissim perge, ut facis, & regem ipsum, & vniuersum Galliae regnum paterna caritate complecti.

ple&i. Multae sunt causae, quae te, vt id facias, excitare debent. Primum ipsa muneris amplissimi, quod te Deus in terris sustinere voluit, ratio. deinde ardentissimum illud studium, quod semper vsque à Clodouaeo vixit in regibus nostris, adiuuandi Romanam ecclesiam: vt, quoties ita tempora tulerunt, se, regnumq; suum in apertum discrimen obicere maluerint, quam ecclesiae laboranti decesse. quae ex re illud assecuti sunt, vt & ipsis, & eorum posteris primus inter ecclesiae filios locus, nemine dissentiente, tribuatur. Valere etiam apud te debet illa nominis sanguinisq; coniunctio, quae inter te, & lectissimam, omniq; laude ac praedicatione dignissimam feminam Catharinam regis matrem intercedit. Nam cum ei neque quicquam vnquam optatius fuerit, ut tu ipse omnium optime nosti, quam ut te tertium e gente sua summum pontificem uideret: neque maiorem laetitiam attulerit, quam cum intellexit, se id, quod tantopere optauerat, consecutam: aequum est, tanto illius erga te studio parem à te uoluntatem referri. Possemus, & alia eodem pertinentia proferre, nisi ea iam mutuae inter te, & regem voluntatis testimonia vtrunque data essent, quae neminem dubitare patiuntur, quin & ipse tibi dicto audiens futurus sit, & tu cum paterna beneuolentia profecuturus.

Haec habuimus Beatissime pater, quae tibi Francisci II. Christianissimi regis nomine exponeremus. Nunc, cum idem Scotiae regnum obtineat, vna ipse cum Maria uxore, à qua illud dotis nomine accet

pit, omnes tibi eius, & opes, & copias deferunt, seq̃  
omnibus in rebus auctoritati tuæ libentissime ob  
temperaturos, omnemq; tibi, quæ à filiis debetur,  
obedientiam præstituros pollicentur. Nos, ne rur  
sus orationem à capite arcessere necesse sit, quæ  
cunquæ de Galliae regno diximus, eadem ut de  
Scotiae quoque regno dicta esse existimes, obsec  
ramus.

Habita postridie Kal. Mai.

Anno. M. D. LX.

# ORATIO SECUNDA.



I quantum lœtitiæ Pontificatus tuus Antonio Regi Nauarræ, & Ioannæ ipsius vxori attulit Beatissime Pater, tantum eis commoditatis ad eam lœticiam, nulla interiectâ mora, tibi significandâ tempora tribuissent. nihil omnino habuissent antiquius, quàm vt ad te statim mitterent, qui tibi summum honorem, huic amplissimo Cardinalium Collegio summam prudentiæ ac iudicij laudem, uniuersæ Christianæ Reip. magnam & prope exploratam antiquæ dignitatis recuperandæ spem suo nomine gratularetur. Sed quoniam quantum ex optimis, & ad sedandas horum temporum discordias aptissimè Pontificis creatione gaudium caperent, in ipsorum probitate, ac fide positum fuit: quàm vacuum tempus, & ad legationem eius rei causa subito discernendam idoneum haberent, non fuit: iudicauerunt, si temporibus suis parerent, & quod recenti re facere, cum magnopere cuperent, non satis commode poterant, id in diem differrent, nihilo minus ea causa testificationem voluntatis suæ aut sibi honorificam, aut tibi iucundam atq; acceptam fore. Et verò, Beatissime Pater, si apud te, & apud hoc sanctissimum, augustissimumq; concilium non ex vulgi opinionibus, sed ex ueritate unaquæq; res penditur: gratulatio paulo serius facta non tã propter tarditatem aliquid de illa nouitatis suauitate, ac dulcedine deperdere, quàm propter maturitatem aliquid.

aliquid auctoritatis, ac fidei acquirere videtur. Etenim qui tibi, cum primum ad istum caelo proximum in terris locum diuino consilio sublatus es, gratulabantur, eam tantum gaudij sui causam afferre poterant, quod certo sperarent fore, ut qui te per totam uitam omnibus maximis honoribus dignissimum praebuisses, cum consecutus, quo nullus amplior exoptari potest, tantam dignitatis amplificationem pari uirtutis accessione cumulares. Magna prorsus illis, & illustra suppeditabant argumenta, cur ita crederent: neque non firmissimis fundamentis nitebatur incredibilis illa spes, quam de futura Pontificatus tui felicitate conceperant. Sed quantum interest inter ea quae futura creduntur, & ea quae iam sunt: quanto experta iam & explorata, quam sperata, & expectata, maiorem laetitiam in animis hominum commouent: quanto certius & uerius homines praeterita, & praesentia commendare, quam de futuris affirmate pronuntiare possunt: tanto plus ponderis ac fidei habere debet ea gratulatio quae tibi fit, annum prope iam integrum ex ista sanctissima sede uniuersum orbem sapientissime gubernanti, quam illae quae tum fiebant, cum homines, qualem esse te plus plusque in dies experiuntur, talem futurum esse prospicerent quasiq; augurarentur. Neque uero haec in eam sententiam ideo a me disputantur, quod non libentissime facturi fuerint Antonius Rex & Ioanna Regina Nauarrae, ut quemadmodum nulli Christianorum Principum concedeabant, qui maius ex tua dignitate



dignitate gaudium percepisset: ita nemini, quantum  
per locorum intervalla licuisset, concederent, qui  
tibi citius de illius adeptione gratularetur: si quam  
solutae ipsis & liberae voluntates, tam soluta etiam  
& nullis impedita difficultatibus tempora fuissent.  
Sed ita cogitarunt: si rerum suarum incommodo  
maturarent id facere: ipsi tibi, cui maxime probare  
studium suum cuperent, pro tua in se paterna car  
ritate, ubi rem cognosces, insuauem fore celeritate  
sine vlla necessitate cum ipsorum incommodatio  
ne susceptam. Nunc autem miserunt ad te, clarissim  
um, & spectatissimum virum Petrum Albrechtium,  
propinquum suum, qui genibus tuis suppliciter  
aduolutus, tibi, vero IESU CHRISTI in terris Vi  
cario, certissimo Petri Apostolorum principis suc  
cessori, communi totius Ecclesiae Christianae Pasto  
ri, ac gubernatori, debitam obedientiam suo ambo  
rum nomine praestaret atque exhiberet: tibiq; atq;  
huic Sacrosancto Collegio confirmaret, Antonium  
Regem, & Ioannam Reginam Nauarrae, uti veros ec  
clesiae filios decet, tibi semper dicto audientes su  
tuos: neque vlla euenire posse rem tantam, quae  
ipsos ab huius sanctae & apostolicae sedis obser  
uantia, & ab ea, quam sibi per manus a maioribus  
traditam, summa firmitate ac constantia perpetuo  
retinuerint, persuasione diuellat. Hic ego, Beatiss.  
Pater, si orationis vela pandere, & quasi aperto in  
uectus mari, per eorum principum laudes, quorum  
nomine apud te verba facio, decurrere instituiam,  
vereor, ne cum dicendi principium vel facillime res  
perero,

perero, exitum reperire non possim. Nam quae tã-  
dem nominari potest vllò in genere uirtus, quae  
non in eorũ utroque ita emineat, vt ad quamcunq;  
se quis animo, & cogitatione conuerterit, ea demũ  
excellere ac praestare uideantur? Sed quoniam &  
ipsi nos hoc tempore suae modo voluntatis inter-  
pretes, non etiam suarum laudũ explicatores esse  
voluerunt, & eorum uirtus excelso atq; illustri sita  
loco, satis ipsa per se nullo adhibito alienae praedi-  
cationis lumine in oculos omniũ incurrit: laudan-  
dis ipsis, quod verissimè ac copiosissimè facere pos-  
sem, supersedebo: tantum ex ueteribus historijs  
nonnulla proferam, ex quibus intelligatur, & ab  
ijs illos ortos esse maioribus, & in eorum opes atq;  
imperia successisse, qui sibi posterisq; suis amplissi-  
mam gloriam nulla re magis quam frangendis, ac  
domandis nostrae religionis hostibus, defenden-  
daq; apostolicae sedis dignitate pepererunt. Quis  
est enim ita ueteris memoriae ignarus, ita in supe-  
riorum temporum historijs peregrinus atque ho-  
spes, qui non Diui Ludouici Gallorum Regis opti-  
mĩ, ac sanctissimi res pro Ecclesia fortiter gestas, si-  
minus è scriptorum monumentis cognouerit, at au-  
ditione certè aliqua acceperit? Cuius uiri per om-  
nem uitam domi forisq; spectata uirtus, & uiuum  
maxima laude cumulauit, & confecto huius vitae  
curriculo in caelestium concilio collocatum ad di-  
uorum religionem & sanctimoniam consecrauit.  
Ab eo igitur, & Antonius Rex, & Ioanna Regina  
Nauarrae, duobus quasi riuus ex eodem capite ma-  
nantibus



induceretur quilibet alius è grege, qui ad tempus  
eam personam sustineret: ita qui eiusmodi oratio-  
nes audiunt, cum hanc aut illam artem magnificis  
& exquisitis exornatam laudibus vident, statim iu-  
dicant, nihilo magis eas in hanc, quam in illam, con-  
uenire: futurumque ut eadem de qualibet alia dice-  
rentur, cui orator, tamquam choragus, eas quasi  
partes mandare atque imponere voluisset. Quae  
cum mihi de principio in mentem venirent, prope  
modum in eam me sententiam adduxerant, ut eam  
philosophiae partem, quae ad conformandos mo-  
res, instituendaeque vitae rationem pertinet, quoti-  
dianis disputationibus, quantum meae vires ferent,  
illustraturus, nihil initio, quo dignitatem ipsius vo-  
bis commendarem, dicendum arbitrarer, verentem,  
ne cum suis eam modo ac proprijs laudibus extu-  
lisset, communes tamen illae nonnullis ac tralatit-  
iae viderentur. Simul autem illud cogitabam, si  
qui nondum peruidissent, assidua, & diligens harum  
praeparationum tractatio, quantum momenti ha-  
beat ad bene beateque viuendum, fore, ut breui eis  
pro me res ipsa loqueretur: ex qua multo id eos  
melius, multoque perfectius, quam aut ex mea, aut  
ex cuiusquam oratione cognituros. Sed ab ea me  
sententia abduxit amicorum aliter sentientium au-  
ctoritas, qui cum alia multa, tum hoc argumentum  
attulerunt: cum haec ipsa philosophia praecipiat,  
non esse cuiquam temere à publica consuetudine  
discedendum, minime conuenire, qui eam se tradis-  
turum profiteretur, cum in ipso quasi vestibulo  
illius

illius praecepta migrare. Quocirca dicam hodie:  
no die breuiter & modice de moralis philosophiae  
laudibus, deq; fructibus, quos illa suis cultoribus  
pollicetur: sed philosophico magis quam oratorio  
more: non ut ei quicquam alieni affingam, aut quae  
ipsius propria sunt, amplificandi causa in maius  
extollam: quorum alterutrum si coner, ipsa mihi  
philosophia, ut est veritatis amans, tanquam Achil-  
li Homerica Pallas, manum iniiciat: sed ut nudo ac  
simplici orationis genere, quale veritatis proprium  
esse ait Euripides, ea quae ad rem facere videbun-  
tur exponam. Primum igitur non artium modo,  
sed omnium omnino humanarum rerum dignita-  
tem atque praestantiam ex fine ad quem earum  
quaeque dirigitur, quemq; sibi proponit, pendit ac  
spectari arbitror oportere: ut quanto cuiusque fi-  
nis praestantior ac diuinior est, tanto ipsa ceteris ex-  
cellere iudicetur. Quo posito: est enim ita perspi-  
cuum, ut probationis non indigeat: o dii immorta-  
les, quis vnquam reperietur tanta vi praeditus inge-  
nij, tanta eloquentiae copia instructus, qui se de  
philosophia, pro ipsius dignitate, verba facere pos-  
se confidat. Non enim illa sibi opes ac copias, quae  
& saepe possessoribus suis exitio sunt, & tam mul-  
tis calibus eripi possunt: non honores & imperia,  
quae, quod concupiuerint, multi, quod aspernatus  
sit, nemo vnquam vituperatus est: non quicquam  
denique proponit eiusmodi, quo & carere sine pro-  
bro, & abundare sine gloria liceat: sed eam, ad qua-

omnes aspirant, quā sibi votis omnibus expetunt,  
ad quam omnes suas actiones, omniaq; consilia re-  
ferunt, felicitatem. Quanto igitur ceteris omnibus  
bonis antestat felicitas, tanto philosophia ceteris  
artibus antecellit. Quod si tanto studio coluntur  
artes quaedam, quae nihil sibi aliud, quā lucrum,  
& rei familiaris amplificationem tum incertam, tū  
laboris ac periculi plenā proponunt: quanto haec  
studio digna est, qua parantur verae illae opes ani-  
mi, quae non furto eripi, non incendio absumi,  
non naufragio absorberi possunt: quaeq; certam re-  
ctamq; viam monstrat ad persequendum id  
bonum, quo cetera omnia continentur? Si tanto in  
honore medicina est, quod habere leuationē mor-  
borum, quibus tentatur corpus, bonaeq; valetudi-  
nis ac firmitatis tum effectrix esse, tum conserua-  
trix creditur: qui tandem honores excogitari pote-  
runt ea arte digni, quae se in animis idem effectur-  
am esse profitetur? Nam & praestantior corpore  
animus est: & huius, quā illius, multo plures mor-  
bi, multoq; periculosiores. Quod si cui forte du-  
bium est, excutiat ille paulisper intelligentiam suā,  
secumq; repuret, quā saepe vnus hominis ambi-  
tio, auaritia, libido integras funditus euertit ciui-  
tates. His autem & similibus morbis medetur phi-  
losophia, eamq; in suis officio animi firmitudinem,  
quā non voluptatum illecebrae, non dolorum fa-  
ces, non diuitiarum splendor, non obscura & con-  
tempta paupertas, non honoru sitis, non ignominiae  
metus,



metus, non vitæ cupiditas, non mortis terror con-  
uellere ac labefactare possit. Vt enim Olympi cacu-  
men poetæ semper quietum esse aiunt: propterea  
quod altius sit, quam vt eo vis ventorum tempesta-  
tumq; perueniat: sic philosophorum animus subli-  
mior & excelsior est, quam vt istos flatus sentiat fuz-  
rentium, & de rebus abiectissimis inter se humi di-  
gladantium cupiditatum. Stat ille, vt in medio ma-  
ri edita & altissimis defixa radicibus rupes: cuius  
summa fluctus ne attingunt quidem: infima sic ver-  
berant, non vt eam commoueant, sed vt ipsi fran-  
gantur. Nouit philosophus, vulgarium volupta-  
tum blanditias partim puerilium oblectamentor-  
um similes esse, indignas non modo quas conse-  
ctentur, sed quas respiciant viri: partim cum dede-  
core ac turpitudine coniunctas, vt satius sit, quouis  
dolore lacerari, quam venenata ac pestifera earum  
suauitate mulceri. Habet alias ex sese proprias ac  
perpetuas voluptates, easdemq; sincerissimas, nulla  
que ne minima quidē permissiohe molestiæ con-  
taminatas, quas ex ipsa virtute, & ex honestis actio-  
nibus carpit: ijs fruitur, ijs mentem pascit, eis se ob-  
lectat, eas solas caras ac iucundas habet. Nam vt in  
beatorum insulis dicuntur esse arbores quaedam  
alpectui iucundissimæ, quarum in ramis toto anni  
tempore, cernere est alios fructus mites iam, & ad  
maturitatem perductos, alios maturescentes, alios  
pubentes adhuc, & in primum se florem induen-  
tes: sic in eorum, qui verè ac serio philosophantur  
animis

animis toto vitae tempore aliae actiones honestae  
ac laudabiles confectae iam sunt & absolutae, aliae  
in eo sunt ut absoluantur, aliae incohantur adhuc  
& informantur, primisq; ut ita dixerim, lineis desi-  
gnantur. Itaq; aliarum recordatione ac conscientia,  
aliarum tractatione ac praesentia, aliarum medita-  
tione & prospicientia sic afficiuntur, nihil ut sibi  
praeterea iucundum aut amabile existiment. Im-  
mensa etiam illa & inexplebilis accumulandarum  
opum auiditas, quam, incertum est, copia an ino-  
pia magis incendat, radices agere in animo philoso-  
phiae praeceptis confito & exulto non potest.  
Quid ita? Nimirum quia haec id vel praecipue in  
suorum animis inserit, naturales opes & termina-  
tas esse, & facile parabiles: eas qui adeptus sit, nihil  
ei amplius appetendum: non qui plurimum ha-  
beat, sed qui minimum desideret, ditissimum esse:  
nihil magni faciendum, quod aequè pessimus at-  
que optimus quisque consequi possit. Neque ta-  
men eorum consilium probat, qui aut aurum in ma-  
re abiēcisse, aut possessiones suas incultas ac deser-  
tas reliquisse memorantur: haec enim aut ignavo-  
rum hominum videntur, aut pecunia uti nescien-  
tium: quorum utrumque in vitio non in laude po-  
nendum est. Ac fuere quidem ij de quibus illa nar-  
rantur philosophi: sed rudior illa quaedam, & sim-  
plicior philosophia tum fuit: politior nostra haec,  
& ad usum civilem accommodatior: quae docet,  
opes, si quis aut à parentibus acceperit, aut indu-  
stria

stria sua quaesierit, aut alia quapiam honesta ratio-  
ne ad eas peruenerit, non aspernandas aut reijci-  
das esse, sed ita habendas, vt virtutis, non vt luxu-  
riae, administras. Nam illud mihi quidem permirū  
videri solet, quid ita veteres illi iudicarint, non pos-  
se se simul & rem habere, & in sapientiae studia in-  
cumbere: qui mihi etiam videntur, quo facto sum-  
mā diuitiarū contemtionē significare ac prae se fer-  
re voluerunt, eo ipso indicasse nimiam quandam  
erga eas naturae suae propensionem, si nummos in  
arcam condere non poterant, vt non omnes cogita-  
tiones suas in eandem arcam includerent: neque,  
quamdiu patrimonium habebant, imperare sibi,  
vt alijs rebus contemplantis ac cognoscendis vaca-  
rent. Equidem nunquam cum militem laudauerim,  
neque fortem habendum duxerim, qui aduersariū  
à se quamlongissime amoueat, ne cum eo manus  
conferat: sed cum potius, qui & congregiatur, &  
vincat. Neque vero video, qui minus impedimento  
sit egestas studijs, quam diuitiae. Necessē est enim,  
qui, vnde uiuat, non habet, cum sibi vitae subsidia  
aliunde quaerere: in quo quantum temporis po-  
nit, tantum de sapientiae studijs detrahīt. Melius  
igitur philosophia, cui qui se regendos permittunt  
ij opes, si non habent, non requirunt: si habent,  
utuntur vt decet: neque vnquam torquentur aut  
augendi cupiditate, aut amittendi metu. Quid ego  
nunc de perturbatrice humanarum rerum, optimi  
cuiusque ingenij corruptrice, concitatrice bellorū  
omnium

omnium, ambitione, quam semper vivere in eorum  
quos semel occupavit animis, neque unquam con-  
senescere, grauiſſimus auctor ait Thucydides, ver-  
ba faciam. Nunquid illius unquam facibus accen-  
di poterit pectus, quod infusa prius philosophiae  
praecepta irrigauerint? Immo vero etiam si antea  
subiecti ab ea ignis aliquid forte conceperit, id to-  
tum instillata philosophia restinguet. Ea enim ma-  
gistra ac praeceptrice cognoscimus, uerum decus,  
ueramque gloriam in sola uirtute positam esse: eam  
qui consecutus sit, quid alij de se iudicent, non ad-  
modum laborare oportere: praecipue uero despi-  
ciendam leuis & imperitiae multitudinis temerita-  
tem, quae ad mandandos honores caeco saepius &  
inconsiderato impetu, quam certo, & explorato iu-  
dicio fertur. Praeclare & sapienter Cato: malle se di-  
cebat, quaerere homines, cur sibi posita non esset  
statua, quam si quaererent, cur posita fuisset. Eodẽ  
animo sunt ueri omnes philosophi: esse se, ut de  
Amphiarao ait Aeschylus, quam uideri optimos  
malunt: honores autem & magistratus aut non pe-  
tunt, aut alienae, non suae, utilitatis causa petunt:  
neque, si adepti sint, exultant: neque, si repusam tu-  
lerint, anguntur animo, sed placate id & moderate  
ferunt: aut, si quando dolent, reip. dolent uicem,  
non suam. Caesarem ferunt, cum pontificatum pe-  
titurus ad comitia descenderet, matri dixisse, illam  
eo die aut pontificem habituram filium, aut exulẽ.  
Iam tum praesagire ac praecognoscere licebat, am-  
bitionem

bitiōnem illam ingens aliquod malum ciuitati daturam. Itaque quid postea effecerit, videmus. At Cato in petitiōe praeturae, etiā Vatiniō posthabitus, acquissimō, ac moderatissimō animo tulit. Ita sunt philosophi, maximam voluptatem in praetermittendis, voluptatibus, maximas opes in quieto, ac contento suis animo, maximam gloriā in non ambienda gloriā ponunt. Satis honoratum putant esse, qui honore dignus sit: satis magnum regem, qui seipsum regere, satis potentem imperatorem, qui cupiditatibus suis imperare possit: qui vero eis plane domitis ac subactis iugū rationis, quod illae ne conentur quidem vnquam excutere, imposuerit ab eo omnes aliorum victorias triumphosq; superatos. Quod si libidinem, auaritiā, ambitionem pestes quādam ac furias esse nouimus, quae funditus humanam vitam conturbent: quantus honor habendus est philosophiae, quae se omnes earum conatus repulsuram, omnes igniculos repressurā, omnia semina elisuram, non magnificentiū, quā verius, pollicetur: videre vos opinor, quā se latus orationi meae cāpus ostendat, si quaecunque hoc loco se offerunt, persequi, & in singulis insistere atque immorari velim. Nam cum virtus nulla sit, de qua non splendide, & ornate dicere: nullum vitium, in quod non grauius, & copiose inuehi liceat: quicquid de eorum vtrolibet dici potest, idem ad philosophiam laudandam accommodari potest: quam virtutis indagatricem, vitiorum expultricem Latius

E tinorum

tinorum omnium eloquentissimus vere ac merito  
nominauit. Sed non committam, vt cuiquam vi-  
dear transilire eos terminos, quos initio pegi: po-  
tiusq; reprehendi me patiar, quod multa, quae fus-  
sus explicare licuisset, compresserim, ac coartauer-  
im, quam quod in ulla re dilatanda, euectus sim  
longius iusto, neque satis mihi temperare potue-  
rim. Nunc illud mihi etiam atque etiam conside-  
rate: ceterarum omnium artium fines, neque eos  
modo, sed omnia prorsus, quae bona putantur in  
vita, nisi quis philosophiam vitae ducem habeat,  
pestifera ac perniciofa esse. Da homini non philo-  
sopho opes ac copias: da honores arque imperia:  
da firmam valetudinem: da gladiatorium totius  
corporis robur: da multarum magnarumq; rerum  
cognitionem ac scientiam: da flexanimam illam, vt  
poetae vocant, & omnium rerum reginam eloquen-  
tiam: da quicquid in filiis parentum votis optari so-  
let: quo eiusmodi plura in talem hominem conges-  
seris, eo illum magis & in suam & in aliorum perniti-  
ciem armaueris. Opibus abutetur ad suam libidin-  
em explendam: imperiis ad alienam libertatem  
opprimendam: firmitate & robore ad obeunda fa-  
cinora: scientiam copiamq; dicendi ad circumue-  
niendos ciues suos, ad perturbandam remp. ad om-  
nia denique tum sacra, tum profana permiscenda,  
& euertenda conuertet. Da haec eadem uero, mi-  
nimeq; fucato philosopho: deum quendam ad be-  
nefaciendum humano generi e caelo demissum



esse dices. Atque hoc illud est, quod in Alcibiade  
minore siue Plato siue Xenophon disputat, ea quae  
suapte natura bona sunt, sine scientia eius quod op-  
timum est, quam eandem & philosophiam esse sta-  
tuo, ad perniciem non ad salutem valere. O prae-  
claram laudem philosophiae, cuius ope ne mala  
quidem nocere: qua detracta, ne bona quidem pro-  
desse possunt. Merito dixit Plato, nullum à diis  
datum esse hominibus ea maius aut praeclarius  
donum. merito Cicerò, vnum diem ex eius praece-  
ptis actum immortalitati anteponendum. Neque  
vero non illud ad eius de qua proprie sermo nobis  
institutus est, philosophiae laudem ac commenda-  
tionem facit: quòd omnia propemodum, quae à ve-  
teribus de philosophia honorifice dicta sunt, ad  
hanc pertinent, quae in vitae ac morum emenda-  
tione versatur. Non enim Plato, cum illam nobilissi-  
mam vocem, tanquam ex oraculo edidit, tum de-  
mum beatas ciuitates fore, cum aut regnarent phi-  
losophi, aut reges philosopharentur, intellexit, tū  
id euenturum, cum reges aut in differendi subtili-  
tate, aut in peruestigandis rerum naturalium cau-  
sis occupati essent: quae quanquā praeclara sunt,  
longissime tamen absunt ab eo, vt beatas respubli-  
cas efficere possint: sed cum virtutis pulchritudine  
incensi omnes vires suas ad eam non cognoscen-  
dam modo, sed exercendam, excolendam, propa-  
gandam contulissent. At contra quicquid inanibus  
imperitorum ac maledicorum sermunculis ad-

E ij uersus

uerſus philoſophiam iactatum eſt, quoſcumque in  
cam aculeoſcurrenſis quorundam libido coniecit,  
quicquid ad minuendam ipſius dignitatem veteris  
comoediae licentia effuſit, id omne, ſi diligenter  
excutitur, ad dialecticos potius & ad phyſicos,  
quàm ad politicos, pertinere videbitur. Quod  
ſi ullus in orbe terrarum locus eſt, ubi politice ſlor  
rere, ſuamque dignitatem obtinere deceat, Romae id  
Romae potiſſimum fieri debet: cui urbi à primo ip  
ſius ortu fatum fuit alijs imperare: vnde leges, vnde  
iura, vnde religionem ceterae nationes & olim  
petierunt, & nunc petunt: vnde quondam exiſte  
runt tam multi clari viri, qui haec praecepta, quae  
noſ tradituri ſumus, exemplo ſuo comprobarunt.  
Nolite enim putare illa lumina, Camilloſ, Curioſ,  
Fabricioſ, Fabioſ, Scipioneſ, Laelioſ, ceteroſque prae  
ſtantes viroſ, quos olim haec vrbs innumerabileſ  
tulit, quorum quotidie nomina auditis, facta legi  
tis, monumenta cernitis, ſtatuas prope veneramini,  
quod de philoſophia neque diſputarunt ſere,  
neque ſcripſerunt, eo minus philoſophoſ fuiſſe.  
Vita illi, non oratione: factis, non dictis: moribus,  
non ſermonibus, philoſophabantur: quod pul  
cherrimum ac veriſſimum eſt philoſophandi ge  
nus. Integritatem, iuſtitiam, fidem, fortitudinem,  
omnem denique virtutem & colebant ipſi, & alioſ  
colere iubebant: eo ad tantam maiestatem atque  
amplitudinẽ peruenerunt, vt pleraeque gentes,  
quod ipſae olim à talibus uiris ſubactae ac ſupera  
tae

tae sint,quàm quòd ipsae alias deuicerint, praecla-  
rius sibi ac gloriosius ducant. Quantam oportet  
gloriam fuisse vinctentium,cum victi tot post saecu-  
lis glorientur. Eorum ego potissimum exemplis,  
adolescentes,incitabo vos quotidie atque exacuâ:  
neque vllum ex Aristotele praeceptum proferam,  
cuius non ex hac urbe plurima maximeq; illustria  
exempla repetantur.Constitui enim,quando P I V S  
optimus ac sanctissimus pontifex, qui ipse omnis  
virtutis perfectissimum exemplar est,cum mihi ho-  
norem detulit, vt à me virtutis & officij praecepta  
vobis proponi atque explicari voluerit, modis om-  
nibus eniti, vt ea non arido, & inculto, & molestis  
implicato quaestionibus orationis genere prose-  
quar: sed, quantum id quidem in me erit, florido,  
& vbere, & quasi stellulis quibusdam, ita petitis ex  
vetere historia exemplis illuminato atque distin-  
cto. Peto autem à vobis, vt si & in iis rebus, quas  
tractare institui, summam dignitatem inesse cerni-  
tis, & me nullis vigilijs, nullis laboribus, nulli deni-  
que rei parentem, vt vestris commodis consulam,  
videbitis, industriam meam diligentia ac beneuo-  
lentia vestra adiuuetis.

Habita xvi. Kal. Decemb. 1563.

Venia à Superioribus concessa.

